

## ՍՅՈՒՆԻՔԻ XVII—XVIII ԴԱՐՆԵՐԻ ՎԱՆՔ-ԱՄՐՈՑՆԵՐԸ

Մ. Մ. ՀԱՍՐԱԹՅԱՆ

Պատմական Հայաստանի կարևորագույն նահանգներից մեկը՝ Սյունիքը, հնուց ի վեր հայտնի է իր անառիկ ամրոցներով և պաշտպանական կառուցվածքների ամբողջ սիստեմներով: Բայց եթե վաղ շրջանի բերդերն ու ամրոցները՝ Բաղաբերդը, Երնջակը, Որոտնը, Սմբատաբերդը վաղուց իրենց արժանի տեղն ունեն հայկական ամրոցաշինության պատմության մեջ, ապա ուշ միջնադարի Սյունիքի պաշտպանական կառուցվածքները համարյա չեն ուսումնասիրված և դեռ չեն ներկայացված մասնագիտական գրականությանում:

Սյունիքի ուշ միջնադարի պաշտպանական կառուցվածքները կարելի է բաժանել երկու խմբի՝ վանք-ամրոցների և բերդերի: Առաջին խմբին են պատկանում Շատին վանքը, Տաթևի Մեծ անապատը, Հալիձորի բերդը (Հալիձորի կուսանաց անապատը)<sup>1</sup>, Կնեվանքը, երկրորդից պահպանվել է միայն Մեղրու բերդը: Առանձնապես հետաքրքրություն է ներկայացնում վանք-ամրոցի հորինվածքը՝ Լրկու տարբեր ճարտարապետական օրգանիզմների՝ կրոնական և պաշտպանական կառուցվածքների յուրօրինակ միավորումը:

Դեռ IX—XI դարերում միջնադարյան Հայաստանի վանքերը շրջապատվում էին պարիսպներով, որոնք, սակայն, որպես պաշտպանական կառուցվածքներ բավական համեստ էին, և վանքերը ոչ մի հավակնություն չունեին ամրոցների դեր խաղալու:

Դրությունն արմատապես փոխվեց Հայաստանի անկախության ու պետականության կորստից հետո, երբ վանքերը սկսեցին իրենք մտածել սեփական անվտանգության ապահովման մասին: Թե՛ նոր կառուցվող և թե՛ արդեն գոյություն ունեցող մենաստանները շրջապատվեցին աչնպիսի պաշտպանական կառուցվածքներով, որոնք բնորոշ են ամրոցներին:

XII—XIII դդ. բուրգերով պարիսպներ կառուցվեցին մի շարք կոմպլեքսներում, որոնցից կարելի է նշել Հաղբատի և Առաքելոց վանքերը:

Սակայն վանք-ամրոցների կառուցումը լայն տարածում ստացավ առանձնապես XVII դարում: Հայաստանի վանքերի մեծ մասն այդ դարում շրջապատվեց պաշտպանական կառուցվածքներով (Գնդեվանք, Տաթևի վանք, Նորավանք, Գեղարդ, Հառիճա վանք և այլն): Բայց վանք-ամրոցն իր ճարտարապետական ավարտուն կերպարն ստացավ XVII դ. կառուցված նոր վանքային կոմպլեքսներում (Խոր-վիրապ, Տաթևի մեծ անապատ, Շատին վանք, Հալիձորի կուսանաց անապատ), որտեղ անսամբլը հենց սկզբից կառուցվում էր

<sup>1</sup> Հալիձորի կուսանաց անապատը կառուցվել է XVII դարում: Այն XVIII դարի 20-ական թվականներին Դավիթ-Բեկը վերակառուցում է որպես բերդ և դարձնում ազատագրված Ղափանի կենտրոնը:

կրոնական և պաշտպանական տարրերի զուգակցման միասնական մտահղացումով:

XVII—XVIII դդ. Սյունիքի վանք-ամրոցները, ինչպես և ավելի վաղ կառուցված որոշ վանքեր (Տաթև, Գնդեվանք, Որոտնավանք), տեղադրված են դժվարամատչելի, բարձրադիր վայրերում՝ լեռների զառիթափ լանջերին, հեռու բնակավայրերից և բանուկ ճանապարհներից: Այսպես, բարձր լեռան լանջին, գագաթից քիչ ցածր, խիտ անտառի մեջ թաքնված, կառուցված է Բեխի անապատը: Նման տեղադրություն ունի և Հալիձորի Հարանց անապատը: Շատին վանքը կառուցված է Եղեգիսի ձորից շատ բարձր, դժվարամատչելի մի ամալի վայրում: Անմատչելի տեղում է կառուցված Հալիձորի բերդը (Հալիձորի կուսանաց անապատը): Վանք-ամրոցների տեղաբաշխումը Սյունիքում, ընդհանրապես վերցրած, իհարկե, չի ելնում ստրատեգիական նկատառումներից՝ ստեղծելու Հայաստանի այս մասում պաշտպանական կառուցվածքների ցանց: Մենաստանները կառուցվում էին կամ ավելի վաղ՝ X—XIV դարերում գոյություն ունեցող կրոնական կենտրոնների տեղում (Շատին վանք, Կնեվանք, Բեխի անապատ), կամ էլ խոշոր վանքերի մոտ (Տաթևի Մեծ անապատ): Վանք-ամրոցների պաշտպանական միջոցառումներում հիմնականը՝ իրեն, մենաստանի անվտանգությունն ապահովումն էր: Միայն Հալիձորի կուսանաց անապատը, շնորհիվ իր բացառիկ հարմար դիրքի, դարձավ XVIII դարի անկախ Ղափանի կենտրոնն ու հիմնական ամրոցը և մեծ դեր խաղաց Գավիթ-Բեկի աղատագրական կռիվների ժամանակ:

Հալիձորի բերդը տեղավորված է Ողջի դեպի աջ ափի զառիթափ լեռնալանջի փոքրիկ գոգավորության վրա: Այս բարձունքից իշխելով շրջապատի վրա, բերդը հսկողության տակ է պահում Ողջիի ձորը և նրանով անցնող այն կարևոր ճանապարհը, որը միացնում է Կասյանր Բաղաբերդի և Տաշտոնի լեռնանցքով՝ Մեղրիի հետ:

Հետաքրքրական է Հալիձորի բերդի պաշտպանական համակարգը: Գլխավոր հաստակագծում պարիսպներն ունեն անկանոն քառանկյան ձև: Պարբայապատերը հաստ չեն՝ լայնությունը մոտ մեկ մետր է: Այսպիսի չափը XVIII դարի պաշտպանական կառուցվածքներում բացատրվում է նրանով, որ հրադենի առկայության դեպքում հաստ պարիսպներն արդեն ավելորդ էին՝ բաբաններով գրոհելու ժամանակաշրջանն անցել էր, իսկ հրանոթը դեռ լայն կիրառություն չունեի լեռնային վայրերում մղվող պատերազմներում: Ամրոցն ունի շրջանաձև հատակագծով մեկ բուրգ՝ հարավ-արևմտյան անկյունում: Բուրգը տեղադրված է կոմպլեքսի համեմատաբար թույլ մասում, որովհետև եթե հյուսիսից և հարավից բերդը վերևից իշխում է շրջապատի վրա, ապա հարավ-արևմուտքից, ընդհակառակը, այն ցածր է գտնվում տեղանքի նկատմամբ և խոցելի է այդ կողմից:

Հալիձորի բերդը պարիսպներից և բուրգերից բացի այժմ պահպանված ուրիշ պաշտպանական կառուցվածքներ չունի: Եկեղեցուն կից երկհարկանի շինությունները, որոնք նայում են դեպի արևելք՝ դեպի ձորը, հավանաբար օգտագործվել են և ռազմական նպատակներով: Ցավոք, հարավային խմբի արևելյան մասը լրիվ քանդված է և հնարավոր չէ վերականգնել նրանց սկզբնական կերպարը, մանավանդ դեպի ձորը՝ թշնամու մոտեցման հիմնական կողմը նայող մասի հորինվածքը: Հյուսիսից՝ կից շինությունների երկրորդ հարկը երկար թաղածածկ սենյակ է, որն ամբողջ լայնությամբ կամա-

րակապ բացվածքով դուրս է գալիս առաջին հարկի հարթ կտուրը։ Այս հարթակը գտնվելով արևելյան պարսպից ինը մետր հեռու և երեք մետր բարձր, փաստորեն վեր է ածվում բերդի արևելյան մասի պաշտպանական սխտեմի երկրորդ աստիճանի (պարսպից հետո)։ Հավանաբար, այսպիսի հարթակ եղել է և հարավային կողմում, երկրորդ հարկի զույգ սենյակների առջև։ Հարթակից վտանգի ժամանակ կարելի է կրակի տակ վերցնել պարիսպների մատուցները, կրկնապատկելով պաշտպանական համակարգը։

Նման հաջող բազմաստիճան համակարգը և անառիկ դիրքը թույլ են տվել Դավիթ-Քեկին իր 350 զինակիցներով հաջողությամբ դիմադրելու թուրքական 70.000-անոց բանակին<sup>2</sup>։ Եթե ընդունենք, որ թշնամու քանակը որոշ չափով գուցե և չափազանցված է պատմիչի կողմից, բայց, համենայն դեպս, ուժերի հարաբերության անհավասարությունն ակներև է՝ պաշարողները հարյուրապատիկ ավել են։

Հալիձորի բերդի պաշտպանության տեսարանները մեծ հետաքրքրություն են ներկայացնում պատմական-ազդեցիկության առումով։ Պարզվում է, որ այդ մարտերում հրետանի չի օգտագործվել, չնայած հրազենի առկայությանը, ամրոցների պաշարման ժամանակ պարիսպներից ներս թափանցելու համար օգտագործել են դեռ վաղ միջնադարից կիրառվող սանդուղքները։ Իսկ պաշտպանվողները սրա դեմ պայքարել են ճիշտ այնպես, ինչպես հարյուրամյակներ առաջ. «...ղահագին մեծամեծ մեքենայս (ըստ կերպի մեծամեծ սանդղոց, թուով քսանևկես) ընդ ինքնեանց բարձեալ բերէին, գային մերձենային, և ի պարիսպ անդր յնցուցանէին, և բազմութիւն խուժանին յերիս խումբս բաժանէին, և յերից կողմանց գրոհ տուեալ ի մեքենայից անտի ի վերայ պարսպացն դիմէին։ Իսկ պահապանք պարսպացն ի վերուստ անտի հարեալ զնոսա, ի մեքենայիցն ի վայր թօթափէին...»<sup>3</sup>։

Շատին վանքը հատակագծում ունի մոտավորապես ուղղանկյան ձև։ Վանքի հիմնական մոտեցումը հարավից է (նղեգիսի ձորից), որի պատճառով այս կողմի պարիսպն ուժեղացված է երեք, կիսաշրջանաձև հատակագծով, բուրգերով։ Հարավային պարսպին կից, բակի կողմից, պատի ամբողջ երկարությամբ կառուցված են երկհարկանի շինություններ, որոնց վերին հարկում եղել են բնակելի սենյակներ (այժմ չեն պահպանվել), իսկ ներքևի կիսանկուղային հարկը՝ տնտեսական նշանակությունից բացի ունեցել է նաև պաշտպանական-ազդեական նշանակություն։ Այսպես, արևմտյան բուրգի մուտքը անմիջականորեն նկուղից է, իսկ արևելյանինը՝ նկուղին կից սենյակից։ Նկուղային հարկը, որը կազմված է երկու երկար սրահներից, ունի լուսամուտներ դեպի դուրս։ Սրանք բարձր լինելով պարիսպի ստորոտից՝ կարող էին պաշտպանության ընթացքում ծառայել որպես հրակնատներ։

Համեմատաբար անբարենպաստ պայմաններում են գտնվում մյուս երեք պարսպապատերը։ Ունենալով 50 մետրից ավելի (հյուսիսայինը՝ 80-ից ավել) երկարություն, նրանք զուրկ են բուրգերից և շարված են անմշակ քարերից։ Սակայն կառուցողները կարողացել են այս պարիսպներին նույնպես կայունու-

<sup>2</sup> «Դավիթ-Քէզ», Վաղարշապատ, 1871, էջ 46—47։

<sup>3</sup> «Դավիթ-Քէզ», էջ 47—48։





ունեցող պարիսպներով: Նման հորինվածքն արդյունք է հարմար՝ հավասարաչափ, փոքր թեքություն ունեցող հարթ տեղանքին: Պարիսպները կառուցված են ճեղքված բաղալտից և զետաքարից, կրաշաղախով, 1,30—1,20 մ. լայնություն: Կենսվանքի պաշտպանական այս համեստ սիստեմը, հավանաբար, համապատասխանել է վանքի տնտեսական վիճակին: Բայց սա փոխհատուցվում է կոմպլեքսի հաջող տեղադրումով. թեք սարալանջի վերևում, դադաթի մոտ:

Տաթևի Մեծ անապատի հատակադձային-ծավալային ողջ հորինվածքը պաշտպանական տեսակետից բավական հաջող է մշակված: Համակառուցը շրջապատված է ուղղանկյուն հատակագծով հաստ և բարձր պարիսպներով: Սրանց պարագծով, ներսից կառուցված միաբանության խցերի, կոմունալ և տնտեսական շինությունների հարթ տանիքները ծառայում են նաև որպես լավ պաշտպանված հարթակներ՝ մարտնչողներին պատսպարվելու և պարիսպների վրա գրոհող թշնամուն դիմված հակահարված տալու համար: Պարիսպների անկյուններում կան վերնահարկեր՝ ուղղանկյուն հատակագծով պահակատներ: Պարսպապատերը դալի բարձր են՝ դրսից մոտ 8 մետր և բացի երկու մուտքերից՝ չկան որևէ այլ բացվածքներ դեպի դուրս: Խուլ և բարձր պատերն անթափանցելի են և պահանջում են հսկայական ջանքեր հարձակվողի կողմից՝ այն հալթահարելու և պարիսպներից ներս անցնելու համար:

Տաթևի Մեծ անապատն ունի պաշտպանական համակարգն ուժեղացնող մի այլ հնարք, որն արտահայտվում է համակառուցի հատակադձային լուծման մեջ: Հարավային կողմից մենաստանի ուղղանկյուն մասին կցված է սեղանաձև ընդհանուր հատակագծով օժանդակ շինությունների մի խումբ, որի շնորհիվ հիմնական հարավային մուտքը բացվում է ոչ թե անմիջապես դեպի դուրս, այլ դեպի այս խմբի բակը: Տնտեսական կառուցվածքների պատերը և բակի պարսպապատերը նույնքան հաստ են և բարձր, որքան հիմնական մասի արտաքին սլարիսպները: Շինությունների այս խումբը, կարելի է ասել, ծառայում է Անապատի համար որպես պաշտպանական համակարգի առաջին աստիճանը, որը թափանցելուց հետո միայն կարելի է մոտենալ մենաստանի դարսպսին:

Տաթևի Մեծ անապատը պաշտպանական առումով եթե համեմատելու լինենք Սյունիքի այլ վանքերի և մենաստանների հետ, կտեսնենք, որ նույնիսկ բուրգերի բացակայության դեպքում միայն պարսպապատեր ունեցող այս համակառուցն իր անառիկությամբ չի զիջում այնպիսի վանք-ամրոցներին, ինչպիսին են Հալիձորի բերդը, Շատին վանքը, Տաթևը, Գնդեվանքը:

XVII—XVIII դդ. վանք-ամրոցների ճարտարապետական կերպարի, առանձին մանրամասների, կոնստրուկցիաների մեջ որոշակի երևում են միջնադարյան հայկական ամրոցաշինության հետ կապված դենետիկ կապը և միաժամանակ այն նորը, որն արդյունք է տվյալ ինքնատիպ զուգակցման առանձնահատկություններին: Առաջինն արտահայտվում է ամրոցներին հատուկ այնպիսի ձևերի առկայությամբ, ինչպիսին բուրգերն են, աշտարակները, դարպասների վրայի պահակատները, հրակնատները և այլն: Իսկ նորը կոմպլեքսի՝ վանքային և պաշտպանական շինությունների միաժամանակյա կառուցումն է միասնական մտահղացումով, երբ մենաստանի ողջ հորինվածքը ենթարկվում է պաշտպանության պահանջներին:

## МОНАСТЫРИ-КРЕПОСТИ СЮНИКА XVII—XVIII ВВ.

М. М. АСРАТЯН

## Р е з ю м е

В отличие от других областей исторической Армении, в Сюнике строительство крепостей продолжалось до позднего средневековья. К оборонительным сооружениям Сюника XVII—XVIII вв. относятся не только сами крепости, но и монастыри—Шатинский, после реконструкции—Татевский и Гндеванк, Алидзорская обитель (в дальнейшем известная под названием Алидзорская крепость), Большая Татевская обитель и другие.

В архитектуре монастырей этого периода интересно органичное сочетание двух разных композиций — религиозного комплекса и оборонительного сооружения. Такое сочетание оказалось настолько удачным, что Алидзорская обитель в XVIII в. стала неприступной крепостью Давид-Бека и центром независимого Кафанского княжества.